

Ўзмджтә кӧдлмш

Каспийск района «Оленичевский» совхозд 1957 джилә февраль сарас нааран ах хӧӧч болдж Манджин Намс кӧдлджәнә. Хӧӧчнрин кӧдлмшин джилә ашиг хәләхлә, Намсин кӧдлмш цугъарагъаснь сән ўзмджтә гидж совхозин зоотехникүд темдглв.

Хӧӧдән сәәнәр хәләдж асрсна ашд Манджин Намс эн джил 100 хӧн болгънас 115

хургъ авч, хӧн болгънас зур деерән немр 620 грамм ноо киргъдж авб.

Цуг хургъдан бӱклднь әмд менд бәрдж, хургън болгъи 30 килограмм кӱргдж өскдж экәснь ода салгъджана. Э хӧӧчин отарин хӧд цуг отар мудас сән чинәтә. Хӧӧдт кӧ тәвлгънд оданас авн эдн белдвр кеджәцхәнә.

М. ЭРДНИЕВ.